

Ni moun ki pa ka janmen disparèt  
Ni travay ponmoun pé pa oubliyé

Silvyàn Telchid an mémwa a gwadloupéyen dèpi onpakèt tan  
Davwa onlo moun konprann i ja chapé, mè yenki paskè dèpi nanni-nannan  
Non a-y ka mayé épi tout éfò ki fèt pou nou palé gwadloupéyen, maké gwadloupéyen

Si a pa on manman, sé on bèlmè, on pwofésè lékòl, on kanmarad mè senten ..  
Sé on limyé, on limyé ki pa ka étènn anponjan

Lang a on pèp sé pwèmyé fòs a-y  
Lontan Silvyàn té ja konprann sa, é alé pli lwen...  
Kivlédi, lè ou ka palé dè sa ki konstwi Gwadeloup...  
ou oblijé rikonèt ni on travay séryé a Man Telchid épi déoutwa kanmarad  
Ki fè si jòdjou...  
Ki lè ou ka palé dè lékòl, dè kilti, dè moun ki ékri Gwadeloup, an Gwadeloup, pou Gwadeloup...  
Lang an-nou trouvé plas a-y é wouvè chimen an lékòl gwadeloup  
Gran makèd-mo an-nou aprann jantiman kijan pou lévé tèt é gonflé lèstonmak épi bèl mo  
maké

Asiré-pa-pètèt, Sylvyàn Telchid oblijé tizoné-w

Padavwa

Ni moun ki pa ka janmen disparèt  
Ni travay ponmoun pé pa oubliyé  
Ni Mèt-a-Mannyòk ou pé pa pa rikonèt  
Ni limyé ki pé pa étènn anponjan

Lonè, Lapé, Lanmou, Rèkonésans... pou Man Silvyàn Telchid

Michèl Mado, mizisyen, pwofésè Mizik, élu à la culture Département / vil Bémao